

SEDMIČNI PREGLED AKTIVNOSTI SUDA BIH

Odjel I, II i III

(22. – 26. maja 2023.)

- Sud Bosne i Hercegovine je 9.5.2023. potvrdio optužnicu Tužilaštva Bosne i Hercegovine (T BiH) u predmetu **Jovica Savić i dr. (S1 3 K 045529 23 Kps)** koja optužene **Jovicu Savića i Milorada Đerića** tereti da su radnjama opisanim u optužnici počinili krivično djelo krijumčarenje ljudi iz člana 189. stav 2. Krivičnog zakona BiH (KZ BiH) u vezi sa članom 29. istog Zakona, na način da su u namjeri sticanja protupravne imovinske koristi, prevozili krijumčarene osobe koje su nezakonito prešla državnu granicu između Republike Srbije i Bosne i Hercegovine, van graničnih prelaza, omogućivši na taj način boravak krijumčarenim osobama u BiH.
- Sud BiH je 19.5.2023. u predmetu **Viktor Krišto i dr. (S1 2 K 036890 20 Krn)** donio rješenje kojim je **prihvaćen prijedlog** Tužilaštva BiH od 19.5.2023. u odnosu na osumnjičenog **Viktora Krištu**, na način da je osumnjičenom **Viktoru Krišti određen pritvor**, koji po ovom rješenju može trajati najduže mjesec dana od dana lišenja slobode, tj. od **17.5.2023.** do **17.6.2023.** ili do nove odluke Suda, a zbog postojanja posebnih pritvorskih razloga propisanih članom 132. stav 1. tačkama a) i b) ZKP BiH, odnosno zbog opasnosti od bjekstva, bojazni da će uništiti, sakriti, izmijeniti ili krivotvoriti dokaze i tragove važne za kazneni postupak, utjecati na svjedoke, saučesnike ili prikrivače. Istim rješenjem, Sud je odbio prijedlog Tužilaštva BiH od 19.5.2023. za određivanje pritvora osumnjičenom **Mehmedu Bojiću** i istovremeno osumnjičenom **Mehmedu Bojiću odredio mjere zabrane**, i to:
 - **zabranu napuštanja boravišta – tzv. kućni pritvor;**
 - **zabranu putovanja;**
 - **zabranu sastajanja s određenim osobama.**

Izrečene mjere zabrane mogu trajati dok za istim postoji potreba ili do drugačije odluke Suda. Kontrola opravdanosti trajanja izrečenih mjera zabrane vršit će se po isteku dva (2) mjeseca. Osumnjičeni je posebno upozoren da mu se može odrediti mjera pritvora ukoliko ne bude postupao u skladu sa izrečenim mjerama zabrane.

- Sud je 19.5.2023. u predmetu **Mirsad Avdić (S1 3 K 045463 23 Eks 3)** u postupku izručenja potraživanog **Mirsada Avdića** po molbi za izručenje Ministarstva pravde Republike Srbije, u cilju izvršenja kazne zatvora po presudi Suda u Republici Srbiji, odlučujući o prijedlogu Tužilaštva BiH od 16.5.2023. godine za određivanje ekstradicionog pritvora prema potraživanom, a nakon održanog ročišta, donio rješenje kojim je prema

potraživanom **Mirsadu Avdiću ukinut privremeni i istovremeno određen ekstradicioni pritvor**, koji po ovom rješenju može trajati do izvršenja odluke o izručenju ili do nove odluke ovog Suda, najduže **šest (6) mjeseci**, računajući od dana lišenja slobode, odnosno od **11.4.2023.** do **11.10.2023.** godine.

Potraživanom **Mirsadu Avdiću** je određen pritvor zbog opasnosti da bi boravkom na slobodi mogao izbjeći postupak izručenja ili provođenja izručenja, u smislu člana 39. stav 1. tačka a) Zakona o međunarodnoj pravnoj pomoći u krivičnim stvarima.

- Sud je 26.4.2023. potvrdio optužnicu u predmetu **Radomir Jovanović i dr. (S1 2 K 044877 23 Ko)** koja optužene **Radomira Jovanovića, Milorada Đerića i Predraga Đukića** tereti da su radnjama opisanim u optužnici počinili krivično djelo krijumčarenje iz člana 214. stav 2. u vezi sa članom 29. KZBiH, na način da su 17.1.2023. godine u Bratuncu, u mjestu Orlica, bez odobrenja Ureda za veterinarstvo BiH mimo graničnog prelaza izbjegavajući mjere carinske kontrole sa teritorije Republike Srbije na teritoriju Bosne i Hercegovine prebacili dva grla krupne stoke.

PONEDJELJAK, 22. maja 2023. godine

- Sud BiH je 22.5.2023. u predmetu **Issaurat Alexis (S1 3 K 045643 23 Eks2)**, u postupku izručenja potraživanog **Issaurata Alexisa**, po međunarodnoj crvenoj potjernici NCB Interpol Pariz, Republika Francuska, odlučujući o zahtjevu države moliteljice za produženje mjere privremenog pritvora prema potraživanom, van ročišta 22.5.2023. donio rješenje kojim je prema potraživanom **produžen privremeni pritvor**, određen rješenjem Suda BiH od 12.5.2023., tako da isti po ovom rješenju može trajati do dostavljanja molbe za izručenje i ekstradicione dokumentacije od strane države moliteljice, ili do nove odluke Suda, a najduže **40 (četrdeset) dana**, računajući od dana lišenja slobode, odnosno od **11.5.2023.** do **19.6.2023.** godine.

Za potraživanim **Issauratom Alexisom**, raspisana je međunarodna potjernica u cilju krivičnog gonjenja zbog krivičnog djela učešće u zločinačkom udruženju u cilju pripreme krivičnog djela, krivičnog djela posjedovanje oružja uprkos sudskoj zabrani i krivičnog djela javno poticanje na mržnju ili na nasilje na osnovu porijekla, etničke pripadnosti, nacije, rase ili religije na verbalni način, pismeno, uz upotrebu slika ili javnih elektronskih sredstava komunikacije i krivičnog djela neovlašteno posjedovanje oružja, municije i njihovih elemenata, sve po Krivičnom zakonu Republike Francuske.

Žalba na rješenje ne odlaže njegovo izvršenje.

- Na ročištu za izjašnjenje o krivnji, održanom 22.5.2023. u predmetu **Ilinko Gašić i dr. (S1 2 K 035062 22 Ko)**, optuženi **Ilinko Gašić** izjasnio se da **nije kriv** za krivično djelo za koje se tereti potvrđenom optužnicom Tužilaštva BiH – primanje dara i drugih oblika koristi iz člana 217. stav 1. KZBiH.
- Sud Bosne i Hercegovine je 22.5.2023. u predmetu **Sead Kukuljac i dr. (S1 2 K 045702 23 Krn)** donio rješenje kojim je prihvaćen prijedlog Tužilaštva BiH od 22.5.2023. godine i osumnjičenim **Seadu Kukuljcu** i **Seadu Musliću** **određen pritvor**, koji po ovom rješenju može trajati najduže mjesec dana od dana lišenja slobode, tj. do **20.6.2023.** ili do nove odluke Suda.

Osumnjičenima je određen pritvor zbog osnovane sumnje da su počinili krivično djelo organizirani kriminal iz člana 250. stav 1. i 3. KZBiH u vezi s krivičnim djelom neovlašteni promet opojnim drogama iz člana 195. stav 1. KZBiH, kao i zbog postojanja posebnih pritvorskih razloga propisanih članom 132. stav 1. tačka b) ZKPBiH, odnosno bojazni da će uništiti, sakriti, izmijeniti ili krivotvoriti dokaze i tragove važne za krivični postupak, utjecati na svjedoke, saučesnike ili prikrivače, a u odnosu na osumnjičenog Seada Kukuljca i zbog postojanja posebnih pritvorskih razloga propisanih članom 132. stav 1. tačka c) ZKPBiH, odnosno bojazni da će osumnjičeni ponoviti krivično djelo ili da će dovršiti pokušano krivično djelo.

| PREDMET | SUDIJA/VIJEĆE | ROČIŠTE |
|--|---|--|
| Odjel II Ilinko Gašić i dr. S1 2 K 035062 22 Ko | <i>Darko Samardžić</i> | Ročište za izjašnjenje o krivici optuženog Ilinka Gašića |
| Odjel I Ćamil Ramić i dr. S1 1 K 031399 19 Kri | <i>Minka Kreho</i> <i>Željka Marenčić</i> <i>Tanja Curović</i> | Saslušanje jednog svjedoka po prijedlogu TBiH |
| Odjel II Sako Bibić i dr. S1 2 K 045047 23 K | <i>Hasija Mašović</i> <i>Mirsad Strika</i> <i>Goran Radević</i> | Nastavak glavnog pretresa |
| Odjel I Zdravko Samardžija S1 1 K 041909 22 Kri | <i>Zoran Božić</i> <i>Mediha Pašić</i> <i>Lejla Konjić Dragović</i> | Saslušanje dva svjedoka po prijedlogu TBiH |

| | | |
|---|---|--|
| Odjel I Slobodan Taranjac i dr. S1 1 K 024175 17 Kri | <i>Staniša Gluhajić</i> <i>Vesna Jesenković</i> <i>Šaban Maksumić</i> | Unakrsno ispitivanje jednog zaštićenog svjedoka TBiH |
| Odjel I Atif Dudaković i dr. S1 1 K 030713 19 Kri | <i>Željka Marenić</i> <i>Minka Kreho</i> <i>Tanja Curović</i> | Čitanje dva iskaza preminulih svjedoka po prijedlogu TBiH |
| Odjel I Slavko Puhalić i dr. S1 1 K 044737 22 Kro | <i>Šaban Maksumić</i> | Ročište za izjašnjenje o krivnji u odnosu na optuženog Željka Rudaka |
| Odjel II Admir Jakupović i dr. S1 2 K 044745 23 K | <i>Stanko Blagić</i> <i>Biljana Čuković</i> <i>Izo Tankić</i> | Saslušanje četiri svjedoka po prijedlogu TBiH |
| Odjel II Edin Hatić S1 2 K 045527 23 K | <i>Stanko Blagić</i> <i>Biljana Čuković</i> <i>Izo Tankić</i> | Ročište za objavu presude |
| Odjel II Sead Kukuljac i dr. S1 2 K 045702 23 Krn | <i>Stanko Blagić</i> | Ročište za razmatranje prijedloga TBiH za određivanje mjere pritvora |
| Odjel III Željko Kukec S1 3 K 043326 22 K | <i>Sena Uzunović</i> | Saslušanje svjedoka TBiH, čitanje iskaza svjedoka, ulaganje materijalnih dokaza |
| Odjel III Davud Šabić S1 3 K 042237 22 K | <i>Hasija Mašović</i> | Saslušanje svjedoka – stručne osobe, ulaganje materijalnih dokaza |
| Odjel III Nemanja Filipović S1 3 K 042334 23 K | <i>Izo Tankić</i> | Nastavak glavnog pretresa saslušanjem svjedoka i ulaganjem materijalnih dokaza |

UTORAK, 23. maja 2023. godine

- Sud je 23.5.2023. godine u predmetu **Miroslav Čepo (S1 2 K 045482 23 K)**, nakon održanog ročišta za razmatranje sporazuma o priznanju krivnje i pretresa za izricanje krivičnopravne sankcije, donio i javno objavio presudu kojom je optuženi **Miroslav Čepo oglašen krivim** što je, na način opisan u izreci presude počinio krivično djelo organizirani kriminal iz člana 250. stav 2.

KZBiH u vezi s krivičnim djelom pranje novca iz člana 209. stav 1. KZBiH u vezi sa članom 54. KZBiH.

Sud je optuženom za počinjeno krivično djelo izrekao kaznu zatvora u trajanju od **dvije (2) godine i šest (6) mjeseci**. Kao sporednu, Sud je optuženom izrekao novčanu kaznu u iznosu od **20.000,00 KM** koju je dužan platiti u roku od tri mjeseca od dana pravomoćnosti presude.

Na osnovu zakonskih propisa od optuženog se oduzima imovinska korist pribavljena izvršenjem krivičnog djela u iznosu od **3.700,00 EUR**, koji je optuženi dužan uplatiti u korist budžeta BiH u roku od 30 dana od dana pravomoćnosti presude.

U istom predmetu Sud je donio rješenje kojim je **Miroslavu Čepi ukinut pritvor** i određene sljedeće **mjere zabrane**:

- **zabrana putovanja;**
- **obaveza povremenog javljanja državnom organu.**

Mjere zabrane po ovom rješenju mogu trajati dok za istim postoji potreba, a najduže do upućivanja optuženog na izdržavanje kazne zatvora. Optuženi je upozoren da mu se može odrediti pritvor ukoliko prekrši obaveze nametnute ovim rješenjem. Žalba protiv ovog rješenja ne zadržava njegovo izvršenje.

- Sud je 23.5.2023. u predmetu **Jasmin Hodo (S1 2 K 045712 23 K)**, nakon održanog ročišta za razmatranje sporazuma o priznanju krivnje i pretresa za izricanje krivičnopravne sankcije, donio i javno objavio presudu kojom je optuženi **Jasmin Hodo oglašen krivim** što je radnjama opisanim u izreci presude počinio krivično djelo udruživanje radi činjenja krivičnih djela iz člana 249. stav 2. KZBiH i krivično djelo neovlašteni promet opojnim drogama iz člana 195. stav 1. KZBiH, sve u vezi sa članom 53. KZBiH. Sud je optuženom za počinjena krivična djela izrekao kaznu zatvora u trajanju od **dvije (2) godine**. Kao sporednu, Sud je optuženom izrekao novčanu kaznu u iznosu od **10.000,00 KM**, koju je optuženi dužan platiti u roku od šest mjeseci od dana pravomoćnosti presude.

Optuženi Jasmin Hodo je oglašen krivim što je krajem januara 2022. godine na području Sarajeva, svjesno i htijući postao pripadnik grupe koju je udružio optuženi M.N. a koja je za cilj imala međunarodnu trgovinu opojnim drogama.

| PREDMET | SUDIJA/VIJEĆE | ROČIŠTE |
|--|---|--|
| Odjel II Alzir Kurbegović i dr. S1 2 K 044724 23 K | <i>Izo Tankić</i> | Ulaganje materijalnih dokaza odbrane, saslušanje svjedoka po prijedlogu odbrane |
| Odjel I Milomir Đuričić i dr. S1 1 K 034788 22 Kri | <i>Staniša Gluhajić</i> <i>Vesna Jesenković</i> <i>Šaban Maksumić</i> | Nastavak glavnog pretresa – čitanje izjave dva svjedoka TBiH |
| Odjel II Saša Ratković i dr. S1 2 K 044836 23 K | <i>Janjić Miroslav</i> <i>Branko Perić</i> <i>Sena Uzunović</i> | Saslušanje vještaka po prijedlogu TBiH |
| Odjel II Miroslav Lovrić i dr. S1 2 K 042067 23 K | <i>Biljana Ćuković</i> <i>Izo Tankić</i> <i>Stanko Blagić</i> | Saslušanje dva prikrivena istražitelja kao svjedoka po prijedlogu TBiH |
| Odjel II Miroslav Čepo S1 2 K 045482 23 K | <i>Hasija Mašović</i> <i>Stanko Blagić</i> <i>Mirsad Strika</i> | Ročište za razmatranje sporazuma o priznanju krivice |
| Odjel I Rade Grujić S1 1 K 044237 23 Kri | <i>Tanja Curović</i> <i>Kreho Minka</i> <i>Željka Marenić</i> | Čitanje iskaza preminulog svjedoka po prijedlogu TBiH |
| Odjel II Muzafer Čeligija S1 2 K 031269 23 K | <i>Biljana Ćuković</i> | Saslušanje vještaka po prijedlogu TBiH, ulaganje materijalnih dokaza TBiH, iznošenje prijedloga dokaza odbrane |
| Odjel III Mladen Cvjetinović i dr. S1 3 K 035443 23 K | <i>Goran Radević</i> | Nastavak glavnog pretresa, izvođenje dokaza TBiH saslušanjem tri svjedoka |

SRIJEDA, 24. maja 2023. godine

- Sud je 24.5.2023.godine u predmetu **Yilmaz Barasi (S1 3 K 045715 23 Eks)** u postupku izručenja potraživanog **Yilmaza Barasia** po međunarodnoj potjernici NCB Interpola Wiesbaden, Njemačka, u cilju vođenja krivičnog postupka pred nadležnim pravosudnim organom Savezne Republike Njemačke, odlučujući o zahtjevu za pritvaranje potraživanog sadržanom u međunarodnoj potjernici, a nakon održanog ročišta, donio rješenje kojim je

potraživanom Yilmazu Barasiju određen **ekstradicioni pritvor**, koji po ovom rješenju može trajati do izvršenja odluke o izručenju ili do nove odluke Suda.

- Sud je 24.5.2023. u predmetu **Petar Stojanović (S1 3 K 042610 23 K)**, nakon održanog ročišta za razmatranje sporazuma o priznanju krivnje i pretresa za izricanje krivičnopravne sankcije, donio i javno objavio presudu kojom je optuženi **Petar Stojanović oglašen krivim** što je na način opisan u izreci presude počinio krivično djelo krijumčarenje ljudi iz člana 189. stav 4. u vezi sa stavom 1. KZBiH, a u vezi sa članom 29. istog Zakona. Sud je optuženom **Petru Stojanoviću** izrekao **kaznu zatvora** u trajanju od **jedne (1) godine**. Kao sporednu, Sud je optuženom izrekao novčanu kaznu u iznosu od **1.000,00 KM**, koju je optuženi dužan platiti u roku od 30 (trideset) dana od dana pravomoćnosti presude.

Na osnovu odredbi člana 110. i člana 111. KZBiH od optuženog **Petra Stojanovića** oduzeta je imovinska korist pribavljena izvršenjem krivičnog djela u iznosu od **350,00 EUR**. Nadalje, na osnovu zakonskih propisa, od optuženog se trajno oduzimaju sredstva izvršenja krivičnog djela.

Optuženi je oglašen krivim što je, na način opisanim u izreci presude, preko državne granice pokušao prevesti tri strana državljana, svjestan da navedene osobe nisu ispunjavale uvjete za zakonit boravak na području Bosne i Hercegovine.

| PREDMET | SUDIJAVIJEĆE | ROČIŠTE |
|---|---|---|
| Odjel II Dragan Šojić S1 2 K 042903 23 K | <i>Biljana Ćuković</i> | Dodatno ispitivanje vještaka po prijedlogu TBIH i ulaganje materijalne dokumentacije TBIH |
| Odjel I Džemal Hadžić i dr. S1 1 K 027423 18 Kri | <i>Minka Kreho Željka Marenić Tanja Curović</i> | Saslušanje jednog svjedoka po prijedlogu TBIH |
| Odjel I Esad Ramić i dr. S1 1 K 027417 18 Kri | <i>Enida Hadžiomerović Darko Samardžić Mediha Pašić</i> | Ispitivanje dva svjedoka po prijedlogu TBIH |
| Odjel II Mato Žarić i dr. S1 2 K 031691 23 K | <i>Mirsad Strika Goran Radević Hasija Mašović</i> | Ulaganje materijalnih dokaza TBIH |
| Odjel III Petar Stojanović i dr. S1 3 K 042610 23 K | <i>Mirsad Strika</i> | Razmatranje sporazuma o priznanju krivnje i izricanje presude |

ČETVRTAK, 25. maja 2023. godine

| PREDMET | SUDIJA/VIJEĆE | ROČIŠTE |
|--|---|---|
| Odjel II Danijel Avramović i dr. S1 2 K 033903 19 K | <i>Branko Perić</i> | Utvrđivanje činjenica u postupku opoziva uvjetne osude – saslušanje vještaka po prijedlogu obrane |
| Odjel I Zijad Srabović i dr. S1 1 K 021677 19 Kri | <i>Braco Stupar</i> <i>Davorin Jukić</i> <i>Enida Hadžiomerović</i> | Saslušanje dva svjedoka odbrane trećeoptuženog |
| Odjel II Viktor Krišto i dr. S1 2 K 036890 20 Krn | <i>Mirsad Strika</i> | Ročište povodom prijedloga TBiH za određivanje mjere pritvora osumnjičenom Edinu Ćemanu |

PETAK, 26. maja 2023. godine

| PREDMET | SUDIJA/VIJEĆE | ROČIŠTE |
|---|---|--|
| Odjel I Rajko Drljača i dr. S1 1 K 044645 23 Kri | <i>Vesna Jesenković</i> <i>Šaban Maksumić</i> <i>Zoran Božić</i> | Saslušanje dva svjedoka po prijedlogu TBiH |
| Odjel I Dušan Milunić i dr. S1 1 K 017538 15 Kri | <i>Šaban Maksumić</i> <i>Staniša Gluhajić</i> <i>Vesna Jesenković</i> | Nastavak iznošenja završne riječi odbrane provooptuženog Dušana Milunića i početak iznošenja završne riječi odbrane trećeoptuženog Radovana Ćetića |
| Odjel II Kemal Čaušević i dr. S1 2 K 024465 22 Kžk | <i>Hilmo Vučinić</i> <i>Redžib Begić</i> <i>Zvezdana Antonović</i> | Izricanje drugostepene presude |
| Odjel III Mješoviti holding S1 3 K 036413 20 K | <i>Goran Radević</i> | Nastavak glavnog pretresa izvođenje dodatnih dokaza optužbe |

| | | |
|--|-----------------------|---|
| Odjel III Suvada Halilović i dr. S1 3 K 044736 23 K | <i>Hasija Mašović</i> | Saslušanje dva svjedoka po prijedlogu TBiH |
|--|-----------------------|---|

Najave za narednu sedmicu:

Za ponedjeljak, 29.5.2023. godine:

- **Zoran Brzica (S1 2 K 044656 23 K)** – Razmatranje sporazuma o priznanju krivnje zakazano u 09:00 sati, sudnica 8;
- **Abdulah Kadribašić S1 2 K 035526 23 Ko** – Ročište za izjašnjenje o krivnji zakazano u 12:00 sati, sudnica 3;

Za utorak, 30.5.2023. godine:

- **Senad Gadžo i dr. (S1 1 K 041969 22 Kri)** – Objava presude zakazana u 9:00 sati, sudnica 4;
- **Ibrahim Purić i dr. (S1 1 K 024608 19 Kri)** – Nastavak iznošenja završne riječi Tužilaštva i iznošenje završne riječi odbrane prvooptuženog, zakazano u 13:00 sati, sudnica 4.

Za srijedu, 31.5.2023. godine:

- **Marko Kojić (S1 2 K 042235 23 Ko)** – Ročište za razmatranje sporazuma o priznanju krivnje zakazano u 10:00 sati, sudnica 5.

STATISTIKE

| ODJELJENJE ZA PODRŠKU SVJEDOCIMA | | |
|----------------------------------|---------------|---------------|
| Odjel | Broj predmeta | Broj svjedoka |
| Ratni zločini | 8 | 11 |

| | | |
|-----------------------|---|---|
| Organizirani kriminal | 1 | 2 |
| Opći kriminal | 0 | 0 |

| | |
|---|----|
| Broj održanih ročišta u sudnicama 3-9 | 37 |
| Broj zahtjeva za izdavanje AV materijala (Odjeljenje za informiranje javnosti) | 8 |

**Želite li biti uključeni na popis primatelja najnovijih obavijesti Suda BiH
ili izbrisani s njega, molimo vas da pošaljete e-mail na:
pios@sudbih.gov.ba**